

**SAMOSTALNI SINDIKAT DRŽAVNIH SLUŽBENIKA I
NAMJEŠTENIKA U ORGANIMA DRŽAVNE SLUŽBE ,
SUDSKOJ VLASTI I JAVNIM USTANOVAMA
SINDIKALNA ORGANIZACIJA KANTONALNIH
ORGANA DRŽAVNE SLUŽBE KANTONA SARAJEVO**

Broj: 01-XIV-5/26

Sarajevo;28.01.2026.godine

Sindikalni odbor Sindikalne organizacije kantonalnih organa državne službe Kantona Sarajevo, na osnovu člana 36. Statuta Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (prečišćeni tekst) i člana 2. Pravilnika o finansijskoj pomoći i drugim materijalnim davanjima Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine broj: 02-1003-6/22 od 09.12.2022.godine, na sjednici, održanoj dana 28.01.2026. godine, donio je

O D L U K U

o finansijskoj pomoći i drugim materijalnim davanjima članovima Sindikalne organizacije

I - OPĆE ODREDBE

Član 1.

Ovom Odlukom uređuju se uvjeti, procedura, kriteriji, iznos i način ostvarivanja finansijske pomoći i drugih materijalnih davanja, koja se dodjeljuje članovima Sindikalne organizacije kantonalnih organa državne službe Kantona Sarajevo (u daljem tekstu: Sindikalna organizacija).

**II - UVJETI I PROCEDURA ZA DODJELU FINANSIJSKE POMOĆI
I DRUGIH MATERIJALNIH DAVANJA**

Član 2.

Finansijska pomoć i drugo materijalno davanje dodjeljuje se članovima Sindikalne organizacije, a samo u izuzetnim slučajevima, zbog teške bolesti, može se odobriti finansijsku pomoć izdržavanom članu uže porodice koji nije u radnom odnosu (bračni partner ili dijete do 18 godina starosti, odnosno do 26 godina starosti ukoliko se dijete nalazi na redovnom školovanju).

Član 3.

Finansijska pomoć se dodjeljuje iz djela ukupnog prihoda Sindikalne organizacije, a u zavisnosti od finansijskih mogućnosti Sindikalne organizacije, koji je utvrđen finansijskim planom prihoda i rashoda za ove namjene u toku jedne kalendarske godine.

Član 4.

Zahtjev za dodjelu finansijske pomoći ili druga materijalna davanja, član Sindikalne organizacije podnosi povjereniku sindikalne podružnice, koji odlučuje o opravdanosti zahtjeva. Povjerenik sindikalne podružnice opravdane zahtjeve sa potpunom dokumentacijom dostavlja na rješavanje Komisiji za standard, koju čini pet članova, a koju imenuje Sindikalni odbor, u roku od 7 dana od dana prijema zahtjeva.

Član 5.

Podneseni zahtjevi koji ne sadrže odgovarajuću potrebnu dokumentaciju za razmatranje i odlučivanje, neće se razmatrati, dok se ne dopune neophodnom dokumentacijom, odnosno, može se tražiti dopuna zahtjeva sa dostavljanjem potrebne dokumentacije u roku ne dužem od 30 dana.
Ukoliko se u ostavljenom roku ne dostavi potrebna dokumentacija, podneseni zahtjev će se odbiti.

Član 6.

Uz zahtjev za dodjelu finansijske pomoći ili druga materijalna davanja dostavlja se slijedeća dokumentacija;

- medicinska dokumentacija ne starija od 6 mjeseci,
- potvrda o nastaloj i utvrđenoj šteti usljed elementarne ili druge nesreće izdata od nadležne službe,
- prijavnica o mjestu boravka (ukoliko se zahtjev odnosi za naknadu štete usljed elementarne nepogode,
- dokaz da je član porodičnog domaćinstva izdržavano lice koje ne ostvaruje dohodak po bilo kom osnovu,
- račun o uplati participacije ili drugih materijalnih troškova u skladu sa kriterijima iz ove odluke.

Član 7.

Komisija za standard razmotrit će svaki podneseni zahtjev pojedinačno, a u skladu sa odredbama ove Odluke i u skladu sa finansijskim planom i mogućnostima Sindikalne organizacije odobravati propisane iznose za isplatu finansijske pomoći.

O opravdanom zahtjevu Komisija se izjašnjava donošenjem odluke o dodjeli finansijske pomoći ili drugog materijalnog davanja.

O neosnovanim zahtjevima Komisija obavezno donosi odluku, koja se dostavlja podnosiocu zahtjeva.

III - KRITERIJI ZA DODJELU FINANSIJSKE POMOĆI

Član 8.

Kriteriji za dodjelu finansijske pomoći i drugih materijalnih davanja od strane Sindikata su:

- da je podnosilac zahtjeva član Sindikalne organizacije najmanje 12 mjeseci u kontinuitetu,
- da podnosilac zahtjeva ispunjava sve uvjete propisane ovom odlukom,
- da podnosilac zahtjeva živi u istom domaćinstvu sa članovima porodice koji nisu u radnom odnosu,
- da podnosilac zahtjeva trajno oboljenje-invaliditet nije stekao na radnom mjestu,
- da podnosiocu zahtjeva nije omogućeno ili dostupno ostvarivanje prava na zdravstvenu zaštitu i zdravstveno osiguranje na teret Fonda zdravstvenog osiguranja Kantona ili Federacije,
- da podnosilac zahtjeva koristi terapiju i lijekove koji nisu na esencijalnoj listi Kantona ili Federacije BiH.

Član 9.

Finansijska pomoć ili drugo materijalno davanje od strane Sindikalne organizacije dodjeljuje se u slijedećim iznosima;

- | | |
|---|-------------------|
| - smrti člana Sindikata | 300,00 KM, |
| - smrti člana uže porodice (bračni drug, djeca i roditelji) | 150,00 KM, |
| - za teža ili teška oboljenja | 300,00 KM, |
| - za banjsko liječenje (uz mišljenje ljekarske komisije) | 350,00 KM |
| - za rođenje djeteta | 300,00 KM |
| - za odlazak u penziju | 200,00 KM |
| - za štetu od elementarnih nepogoda i drugih nesreća | 350,00 KM. |

Član 10.

U slučajevima izvođenja teških, složenih i skupih operacija ili kupovine skupih lijekova, neophodnih za liječenje člana Sindikalne organizacije, Sindikalni odbor na zahtjev člana Sindikalne organizacije može donijeti odluku o dodjeli novčane pomoći u iznosu do **500,00 KM**.

IV - NAČIN OSTVARIVANJA FINANSIJSKE POMOĆI

Član 11.

Finansijska pomoć članovima Sindikalne organizacije dodjeljuje se u iznosima definiranim ovom Odlukom ili participacijom u plaćanju računa koji se odnosi na liječenje koje nije moguće obavljati na teret Fonda zdravstvenog osiguranja, kupovinom lijekova koje nisu na esencijalnoj listi Kantona ili Federacija BiH kao i u slučaju drugih materijalnih izdataka nastalih usljed elementarnih i drugih nesreća.

Član 12.

Finansijska pomoć i drugo materijalno davanje, u slučajevima elementarnih nepogoda i drugih nesreća, odobrava se odlukom o isplati jednokratne novčane pomoći ili kupovinom neophodnih sredstava za preživljavanje na zahtjev člana Sindikalne organizacije.

Član 13.

Finansijska pomoć i druga materijalna davanja predviđena ovom Odlukom, dodjeljivat će se samo članovima Sindikalne organizacije koji plaćaju članarinu. u skladu sa odredbama člana 66. Statuta Samostalnog sindikata.

Finansijsku pomoć i druga materijalna davanja regulisana ovom Odlukom, koja se obezbjeđuju od strane Sindikalne organizacije, po istom osnovu, mogu se ostvariti jednom u dvije godine.

Član 14.

Stupanjem na snagu ove Odluke prestaje da važi Odluka o finansijskoj pomoći i drugim materijalnim davanjima članovima Sindikalne organizacije kantonalnih organa državne službe Kantona Sarajevo, broj: 01-XIV-5-1/17 od 05.10.2017.godine.

Član 15.

Ova Odluka stupa na snagu danom donošenja.



**Predsjednica
Sindikalnog odbora**

Naida Tukić s.r.

Naida Tukić